

КПСС-н ЦК-н февральск Пленумин токтавр делгү таасгдджана

Улм делгрлтин хаалгъ

Элст балгъсна „Страна Советов“ колхозин олна хург болв. Тер хургт МТС-н техникиг хулддж авлгъна тѳрӳр күүндвр кегдв. Эн тѳрӳр колхозин ахлач ур Юхнов Николай Трофимович доклад кев.

— Колхозин тосхлтин цаарандк делгрлтин болн машинн-тракторн станцин бур-амджиг онгдаруллгъна тускар“ гаргъси КПСС-н ЦК-н февральск Пленумин тууджл-токтавриг цуг колхозникуд йир таасдж тосцхав. Эн ток-таврас иштӳ колхозникудин куч-кѳлснӳ производительно-сть улм цааранднь хурдар ѳс-хнь лавта. Урднь колхозин кѳдлмшт хойр эзн гарддг бӳӳ-ен болхла, ода КПСС-н ЦК-н токтаврас иштӳгъӳр, колхоз эврӳн эзн болхмн,—гидж ур Юхнов келв.

Эн джил хулддж авсн техникиг сӳӳнӳр халгълдж бӳр-хин тѳлӳ 1958 джилӳс авн гараж, хашас, бригад болгънар тосхкмн гидж темдглцхӳв.

— КПСС-н ЦК-н февральск пленумин токтавр дигтӳ цаг-ларн гарсн документ. Би эн тууджлгч токтавриг йир байр-ж таасджана. Эн джилви бийднь колхозд кергтӳ техни-киг МТС-с хулддж авхмн. Хулддж авсн машинтӳн биди эврӳн эзн болдж, колхознику-дин куч-кѳлснӳ производительно-стиг улм цааранднь дел-грүүддж, техникиг эзн кевӳр олзддж, колхозин эдл-ахун оруг икдүлхмн,—гидж ОТФ-н заведующ ур Гапот келв.

— Машинн-тракторн стан-сар бӳӳх селӳнӳ эдл-ахун тех-никиг колхозмудт хулдлгън—

йир чик гидж санджана. Кол-хозд кергтӳ техникиг хулддж авх чидл манд бӳӳнӳ. Зуг тер хулддж авх техникин мѳнъ-гинь хойр джилин эргид ѳгч дуусх кергтӳ,—гидж колхозин парторганизацин сеглӳтр ур Лысенко темдглдж келв.

Февральск Пленумин токта-вриг сӳӳнӳр таасджана. Би ода темс тӳрлгънӳ бригадир болдж кѳдлджӳнӳ. Балгъсна куч-кѳлсчнриг темсӳр теткхин тѳ-лӳ тӳрӳ-темсӳн цаглань тӳрдж, асрдж, ик ургъц хурадж эв-нав,—гидж ур Дзюба бий де-рӳн даалгъвр авб.

Эн джил „Страна Советов“ колхоз 9 сай арслнь ору ав-хар темдглджӳнӳ. Тер оругъс 3,5 сай арслнь хувагддго кѳр-нъгд гаргъгддж тӳвгдхмн. Те-гӳд, хулддж авсн техникин мѳнъгиг ѳгх чидл бӳӳнӳ. Шид-рӳс колхозин машинд хадгълх хашас, автогараж болн талдан тосхлтин зура кедж батлхмн. МТС-с авсн техникар кѳдлх механизатормудиг гардх ин-женер авх кергтӳ.

МТС-с техник хулддж авсн деерӳс, колхозд материалн-техническ тетклгъ ѳглгънӳ тѳр йилгъӳн ик чинр зууджӳнӳ. Селӳнӳ эдл-ахун машинд, горюч, запасной ӳнъгс болн нань чигн оли-зүсн материалн ӳн-тӳ тоотсиг икӳр керглгддж ол-злгдхмн. Тииглӳ МТС-с бурд-джӳх яслгъна-техническ станц колхозд кергтӳ горюч, запас-ной ӳнъгс болн нань чигн цуг кергтӳ хамгар күүцднь теткх зѳвтӳ гидж колхозникуд кел-цхӳв.

А. МАТВЕЕВ.